



Gou Dauqdaej Gaij Simco Bae lo

我终于战胜了粗心

cozyez, lauxsae caeuq doengzhag cungj nyinhnaeuz gou mbouj sij cozyez, gou gejlwnh hawj gyoengqde dingq bak cungj unq lo, gyoengqde cungj mbouj saenq, vanzlij hawj doengzhag dang guh vahriu dem.

Miz baez ndeu, gyanghaet gaenj bae hagdangz, gou daenj vaq byonj lo, deng doengzhag riu le, gou cij mbouj eiqseiq buet daengz ndaw diengzhaex bae vuenh gvaqdaej, hoeng gij sibgveng yaez simco gou lij mbouj gaij ndaej gvaqdaej.

Cigdaengz fatseng gienh saeh he, gienh saeh neix hawj gou ciengxlwenx mbouj lumz. Mwh hwnj ngeih nienzgaep, lauxsae raen gou moix haet daeuj hagdangz gig caeux, couh hawj

gou fucwz hai dou gyausz hawj doengzhag, gou dapwngq le, swnh fwngz cuengq yaeakseiz haeuj daehbuh bae. Daengz ngoenz daihngaih, daxmeh naeuz ngoenzneix mbwn nit, vuenh geu buh na he hawj gou, gou cungj lumz yaeakseiz gienh saeh neix lo. Gou caeuxcaeux daeujdaengz hagdangz, gaenq miz song boux doengzhag daengz lo, gou ganjip iet fwngz haeuj daehbuh bae aeu yaeakseiz, hoeng baenzlawz cungj ra mbouj raen, gou sawqmwh siengj hwnj ngoenzlwenz yaeakseiz dwg cuengq youq ndaw daeh lingh geu buh. Mbouj miz banhfap, gou cij ndei buet ma ranz aeu yaeakseiz. Dang gou dawz yaeakseiz dauqma daengz gyausz, bakdou gaenq

ndwn miz haujlai doengzhag, gou gamjdaengz daegbied doiq mbouj hwnj, cij ndaej doiq gyoengq doengzhag boizlaex. Daj baez haenx hwnj, moix baez gou ok dou gaxgonq cungj genjcaz doxgaiq yaeak daiq haenx, yienhneix couh mbouj geiq gyauej lumz rieng lo.

Doenggvaq gienh saeh neix gou rox aen dauhleix he, simco mbouj dwglau, lau haenx dwg mwngz mbouj miz sim bae gaij. Seizneix gou mboujdan gaij gij yaezcawq simco daihlawq bae, lij aeu gij saehcingz swlgeij daezsingj doengzhag henz ndang, guh gijmaz saehcingz cungj yaeak saeqsim.

(sam nienzgaep Gi Yenz)

Gou daj iq couh simco daihlawq, gingciengz geiq gyauej lumz rieng.

Mwh gou hwnj it nienzgaep, mbouj dwg lumz daiq bit, couh dwg lumz daiq gyaucat, seizhaenx gyoengq doengzhag cungj mbouj nyienh ciq hawj gou lo. Miz seiz lumz daiq

Daxmeh Cingj Boiz Ngoenzsinghgiz Hawj Gou

妈妈请还我星期天



rog cueng. Dingqnyi sing gyoengq nyez doih youq baihrog doxgyaep guhcaemz, gou cij siengj daengz ngoenzneix youh dwg ngoenzsinghgiz, hoeng daj gou hwnj sam nienzgaep le, ngoenzsinghgiz couh liz gou gig gyae gig gyae lo!

Banhaet gouj diemj buenq hainduj bae hwnj goq Yinghyij, itcig hwnj daengz cibngeih diemj buenq. Ma daengz ranz lij aeu sij cozyez Yinghyij lauxsae buci haenx. Sij sat le laihnaeuz ndaej soeng saek yaep, hoeng gou lienz soeng gaem heiq he cungj mbouj ndaej, daxmeh couh haeuj ndaw rug daeuj, dawz suyo, yijvwnz caeuq Yinghyij sam dauq sigenj hawj gou, de naeuz: "Moix cou

guh sam dauq sigenj, moix dauq song mbaw." Gou sing iq naeuz: "Couh rox heuh gou hagsib hagsib, caen fanz." Mboujliuh deng daxmeh dingqnyi lo, de hozndat naeuz: "Moix dauq caiq gya song mbaw." Yawj baihlaeng daxmeh, gou cijndei naeuz: "Baenz." Daxmeh minghlingh mbouj ndaej dingj, gou hainduj sij sij sij……

Daxmeh, gou lijgaij gij simcingz mwngz muengh dahlwg baenz fungh, hoeng gou mbouj nyienh guh roeglaej youq ndaw roengq majhung, gou siengj guh duzyiuh he, youq gyangmbwn mbin buek. Daxmeh cingj boiz ngoenzsinghgiz hawj gou.

(sam nienzgaep Cangh Laiz)

Rumz cifengfeng, ndit raeuj-rubrub, mbwn lamz fwj hau, nditrongh ndonj gvaq conghcueng ciuq haeuj ranz daeuj. Gou naengh youq naj daiz, maezmwd yawj dwk

Suenbyaek Daxdaiq

姥姥家的菜园

Daxdaiq gou vunz haemq daemq, naj miz di ndaem, byoem haumong. Aenvih daengx bi cungj guh hongnazreih, fwngz de bienq ndaej haemq cocat.

Daxdaiq gou dwg boux vunz gaenx guhhong ndeu. Ndaw suenbyaek daxdaiq, daengx bi cungj maj miz gak cungj gak yienh byaek.

Seizcin, daxdaiq dap hwnj aenbungz hung, ndaem hwnj byaekbohli, byaekbohcai, byaek-gat, duhnoh, lwggwz, lwgbieng daengj. Aen geiqciet seizcin raeujrub va hai neix, suenbyaek

daxdaiq baenz benq funghgingj heusau ndeu.

Seizhah, ndaw suenbyaek youh dwg lingh cungj funghgingj he. Makyungz youh hung youh nding, lwggwz gyaemqgyat, lwgbieng heuoiq, duhnoh raih rim gwnz gyaq, baenz sek baenz sek byaek, lumj doxdax nei giet ok gij gva mak de.

Seizcou dwg aen geiqciet fungsou. Byaekginghbwz ndaw suenbyaek, lumj aeu nyawh deu baenz nei, gig sawj vunz gyaetz. Lij miz lauxbaengding ndinghenj dwg-gyaetz, lauxbaeghau hausak bizbwd,



caen sawj vunz myaiz rih sam cik. Ceiq gyaundeidei dwg lwgmanh ndingyanyan haenx lo, daxdaiq mbaet ma ranz, roix baenz roix raez, venj youq laj yiemhranz, gyaundeidei raixcaix……

Suenbyaek daxdaiq, lumj diuz go he, youh lumj fuk veh he, daiq hawj gou haujlai angqyangz.

(seiq nienzgaep Cangh Yiz-vwnz)



Gaeqlwg Gikgyang

懒惰的小鸡

Aen gyanghaet nditrongh raeuj-rub he, duzgaeqlwg yawj daengngoenz henjrwg gwnz gyauej, gikgyang dwk naeuz: "Ngoenzneix ndit caen ndei, gou yaeak ndeindei daeuj dak ndit."

Gaeqlwg ninz youq gwnz diegnywj, cingq dak ndit raeujrubrub. Sawqmwh dingqnyi moulwg naeuz: "Gaeqlwg, gaej dak ndit lo, vaiq daeuj bang gou hoemq ranz ba." Gaeqlwg naeuz: "Mbouj guh mbouj guh, hoemq ranz youh uq youh dwgrengz, gou youq gizneix dak ndit ndei gvaq." Ngamq gangj sat, gaeqlwg youh dingqnyi bitlwg naeuz: "Gaeqlwg, vaiq di daeuj bang gou muh mienh ba." Gaeqlwg youh naeuz: "Mbouj guh mbouj guh, muh mienh daiq baeg lo, gou youq gizneix dak ndit ndei gvaq."

Banhaemh, sawqmwh doek fwn hung, aenranz gaeqlwg fwn roh lo, gaeqlwg aeu doengj aeu bat daeuj coux fwn, moulwg caeuq bitlwg yawjraen le, ganjip bang gaeqlwg coih aenranz de ndei bae.

Gaeqlwg yawj aenranz gaenq coih ndei haenx, caiq yawjyawj moulwg caeuq bitlwg daengx ndang dumzdwddwd haenx, mbouj eiqseiq ngaem gyauej roengz lo. Moulwg naeuz: "Daihgya doxbang dwg wng-gai hane." Seizhaenx, aennaj gaeqlwg ndingyanyan, lumj aen mak-bingzgoj nding nei.

(sam nienzgaep Cangh Mungnaz)